



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XLII No. 12
Hunyo 21, 2011
www.philippinerevolution.org

Editoryal

Hilwayon ang tanan nga tiglawas sang NDF para madayon ang sugilanon pangkalinungan

Dapat hilwayon ang tanan nga konsultant sang National Democratic Front of the Philippines (NDFP) agud madayon na ang sugilanon pangkalinungan sa tunga sang NDFP kag sang Gubyerno sang Pilipinas (GPH). Ang padayon nga pagbilanggo sang GPH sa mga tiglawas sang NDFP ang pinakadaku nga sablag sa pag-abante sang sugilanon pangkalinungan.

Napulo'g pito (17) konsultant sang NDFP ang nakakulong sa lainlain nga bilangguan sang GPH. Ang pagdakup kag pagbilanggo sa ila hayagan nga paglapas sa Joint Agreement on Safety and Immunity Guarantees (JASIG) nga nagahatag-proteksyon sa ila bilang mga ginombrar sang NDFP para magpasakop sa sugilanon. Duha sa 17 konsultant nga ini ang ginkulong sa idalom sang rehimeng Aquino.


Makasulong lang ang sugilanon pangkalinungan kon hilwayon ang mga konsultant sang NDFP. Indi lang sini ginahatagan-dalan ang pagpasakop nila sa mga sugilanon, magaserbi man ini sa pagtadlong sang mga paglapas sang GPH sa JASIG. Ini ang obligasyon nga ginpromisa nga ipatuman sang GPH sa deklarasyon nga ginpirmahan sini sadtong Enero upod ang NDFP. Ang pagpatuman sini talaksan sang kaseryosohan kag ikasarang sang GPH nga ipatuman ang mga nakasugtanan sa sugilanon pangkalinungan.

Pero makaligad ang lima ka bulan, nagapabilin nga nakakulong ang mga konsultant sang NDFP. Malala pa, ginapakamenos sang tiglawas sang GPH ang halambalanon sa pagpatuman sa JASIG sang ilaragway niya ini bilang sekundaryong halambalanon lamang. Sa wala paghatag-importansya sang GPH sa JASIG, nangin daku man nga kwes-

yon kon masaligan bala ini nga ipatuman ang iban pang kasugtanan sa mga reporma pangkatilingban kag pang-ekonomya kag mga reporma pangpulitika kag konstitusyunal, nga amo ang mga topiko sa mga masunod nga lebel sang sugilanon.

Ang kapaslawan sang GPH nga uyatan ang mga obligasyon sini nga ipatuman ang JASIG kag hilwayon ang mga konsultant sang NDFP nagresulta sa pagpahigad sang nakatalana tani nga pagpulong sa Norway subong nga Hunyo sang mga Reciprocal Working Committee on Socio-Economic Reforms kag mga Working Group on Political and Constitutional Reforms. Kon padayon nga magpakatig-a ang rehimen sa pusisyon sini batuk sa paghilway sang konsultant sang NDFP, igabutang sini sa peligro ang mismo sugilanon pangkalinungan.

Kaisa ang pumuluyong Pilipino, nagapabilin nga interesado ang NDFP nga mapadayon ang sugilanon pangkalinungan agud tinguhaon nga lubaron ang mga basehang halambalanon nga amo ang ugat sang nagasingki nga gera sibil sa pungsod. Paagi sini, gusto sang NDFP kag bilog nga rebolusyonaryong



**Mga tampok
sa isyu nga ini...**

**Milisya sg banwa,
naglunsar sg opensiba**
PAHINA 3

**Pagtukod sg dalan
sa Samar, kabahin
sg OPB** PAHINA 5

**Mga mangunguma
sa Bukidnon, gin-
palukpan** PAHINA 8

hublag nga hangkaton ang reaksiy- naryong rehimen nga makig-isa sa pagpatuman sang programa nga magasabat sa pungsodnon- demokratikong handum sang pumu- luyong Pilipino.

Sa amo man, sa pihak sang salambiton permi nga “kalinungan” sang rehimenng Aquino, wala pa ini sang sustantibo nga tikang para sig- nipikante nga makapasulong sang negosasyon. Mapamatud-an nga paltik ang “kalinungan” sa idalom sang rehimen kon magapadayon si Aquino sa pagpakatig-a batuk sa pagpahilway sang mga konsultant sang NDFP. AB

Ipaatubang si Ka Bart kag tugutan nga makahambal—NDF-ST

Ginainsister sang National Democratic Front-Southern Tagalog nga ipaatubang si Kaupod Tirso “Ka Bart” Alcantara sa mas- midya agud hilway siya nga makahambal kag masabat ang mga pamangkot bahin sa iya mga kundisyon sa sulod sang kulungan.

Ini ang sabat sang NDF-ST sa pahayag nga ginpagwa sang mi- litar nga ginhambal kuno ni Ka Bart nga ginatrato siya sang maayo sa sulod sang presohan bilang pagpanginwala sa nauna nga balita nga nakakadena siya sa iya nga kama.

Si Bart isa sa mga konsultant sang NDF sa sugilanon pangkali- nungan. Gindakop siya sadtong Enero 4 kag nakahunong subong sa Fort Bonifacio. Ang pagpabilin niya sa kulungan paglapas sa Joint Agreement on Safety and Immunity Guarantees (JASIG). AB

Pagpaigrab sang away sa Spratlys, disenyo sang US

Padayon nga ginahangkat sang gubyernong Aquino kag sang Armed Forces of the Philippines ang China kaangut sa ginaawayan nga Spratly Islands. Ang pagpostura nga ini sang gub- yernong Aquino ginahimo sandig sa disenyo sang US. Tuyo sang US nga may diplomatiko nga away kag tensyon militar sa South China Sea agud magamit ini nga bangdanan sa pagpangayo sang Pilipinas sang “tabang” sa militar sang US.

Sa pihak sang upisyal nga mga pahayag sang Malacanang nga gusto sini nga aregluhon ang away sa diplomatiko nga paagi, padayon ang pagpagwa sang upisyales mi- litar sang mga mapanghangkat nga

pahayag nga indi makabulig para may matawhay nga resolusyon ang isyu. Pila ka adlaw ang nakaligad, ginkundenar sang gubyernong Aquino ang China bangud sa “pag- sulod” kuno sini sa Spratlys pagkatapos mabalita nga may naki- ta ang pila ka mangingisda nga Pilipino nga istruktura sang gub- yerno sang China sa isa sa gina- awayan nga mga isla.

Arogante kag indi diplomatiko ang mga pahayag sang China nga nagapamilit sang solo nga sobe- ranya sa Spratlys kag lubos nga nagabalewala sa pag-angkon man sang iban pang mga pungsod sa ginaawayan nga mga isla.

Madugay na nga nagakarakasa

ang US nga magdeploy sang plota nabal sini sa kadagatan sang South China para mabatuan sini ang pag- baskog sang pwersa militar sang China, madepensahan ang inter- nasyunal nga kadagatan para masiguro ang libreng pag-ilig sang mga produkto sang US sa rehiyon, piliton nga magluhod ang China sa US sa mga pang-ekonomya nga halambalanon kag tugutan ang mga kumpanya sini nga dambu- ngon ang mga resorsa nga langis kag mineral sa nasambit nga lugar.

Ginapamatud-an sang rehimenng Aquino nga ini mangin sunud- sunuran sa pangkalibutanon nga estratehiya sang US sa rehiyon. Ipokrito sini nga ginapamilit ang

<div></div> <div>Tuig XLII No. 12 Hunyo 21, 2011</div> <div>Ang <i>Ang Bayan</i> ginabantala sa lenggwaheng Pilipino, Bisaya, Iloko, Hiligaynon, Waray kag Ingles.</div> <div>Mahimo ini nga i-download halin sa Philippine Revolution Web Central nga makit-an sa: www.philippinerevolution.net</div> <div>Nagabaton ang <i>Ang Bayan</i> sang mga kontribusyon sa porma sang mga arti- kulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan. Maa- bot kami paagi sang email sa: angbayan@yahoo.com</div>	
Kaundan	
Editorial: Hilwayon ang mga konsultant sg NDFP	1
Ipaatubang si Ka Bart	2
Away sa Spratlys	2
Opensiba sg milisya sg banwa	3
9th SF, gin-ambus	3
OPB sa Mindoro	4
Kabutigan sg AFP	4
Pagtukod sg dalan sa Samar	5
Pagmina sa Isabela	6
Pagpanghalit sg pasistang estado	7
Opensiba sa India	10
Protesta sa Greece	10
Hublag anti-nukleyar sa Japan	10
Ang <i>Ang Bayan</i> ginabantala duha ka beses kada bulan sg Komite Sentral sg Partido Komunista sg Pilipinas	

soberanya sang pungsod sa Spratly Islands samtang ginapabay-an sini nga hayagan nga lapakan sang imperyalismong US ang soberanya sang Pilipinas.

Matingkad nga halimbawa sini ang permanente nga pagbase sang Joint Special Operations Task Force-Philippines (JSOTF-P), ang 700-katawo nga yunit sa idalom sang US Pacific Command nga may hedkwarters sa Camp Navarro sa Zamboanga City. Isa pa ka hayag nga paglapak sa soberanya sang Pilipinas ang Visiting Forces Agreement (VFA) nga nagapahanu- got sa pagpasilabot sang mga tropang militar sang US sa diin man nga bahin sang pungsod. AB



Milisya sang banwa, nagbato sa 27th IB sa Davao del Sur

Gindayaw sang Valentin Palamine Regional Operations Command sang BHB sa Far South Mindanao Region (FSMR) ang maisog nga pagbato sang isa ka yunit sang Milisya sang Banwa sa 27th IB sang Hunyo 6 sa Baryo Malawanit, Magsaysay, Davao del Sur. Nag-agum diri ang militar sang anum nga kaswalti-duha nga patay kag apat nga pilason. Isa ka myembro man sang Milisya sang Banwa ang naghalad sang kabuhi--si Antonio "Dondon" Camag, Jr., isa ka 22-anyos nga hangaway nga B'laan.


Natabo ang inaway samtang ginapangapinan sang mga B'laan ang duta sang ila katigulangan nga ginaagaw sang daku nga kumpanya sang minahan pareho sang Xstrata-SMI kag Alberto Mining Corp. (AMC). Ginagamit sang duha ka kumpanya nga ini nga pwera

pangdepensa ang 27th IB.

Sakop sang AMC, nga kabahin sang Lucio Tan Conglomerates, ang 8,000 ektarya. Isa man ini nga *dummy* sang Xstrata-SMI nga nagaopereyt sa FTAA sang anay

Western Mining Corp. Sakop sang FTAA nga ini ang 99,000 ektarya nga manggaranon sa bulawan sa lindero sang South Cotabato, Sultan Kudarat, Sarangani kag Davao del Sur.

Suno kay Ka Dencio Madrigal, tagapamaba sang Valentin Palamine Command, padayon nga batuan sang pumuluyo ang mga higante nga kumpanyang multinasyunal kag tinawo sini. Linibo nga Dondon ang magabangon kag magarmas para pangapinan ang ila duta, batuan ang mga nagasulod kag manug-agaw sang ila bulawan kag iban pang manggad. **AB**



9th Special Forces, gin-ambus sa ComVal

Gin-ambus sang mga Pulang Hangaway sang Davao-Agusan Command sang Bagong Hangaway sang Banwa sa Southern Mindanao Region ang mga suldado sang 9th Special Forces Company sadtong aga sang Hunyo 7 sa Barangay Belmonte, Laak, Compotela Valley. Nag-angkon ang

kaaway sang anum nga kaswalti-duha ka patay kag apat ka pilason.


Natabo ang ambus samtang wala untat ang masobra isa ka simana na nga operasyon pangkombat sang 10th ID sa mga baryo sang Laak pareho sang Enakayan, Mabuhay, Belmonte, Andap, Ampawid, Milale, New Bethlehem kag Datu Dabaw.

Sa desperasyon nga tabunan ang kapaslawan militar, gilayon nga ginpahayag ni Lt. Col. Lyndon Paniza, tagapamaba sang 10th ID, nga ang ginlambatan nga yunit mga eskort sang mga tinawo sang Department of Environment and Natural Resources (DENR) kag kabahin sang "anti-illegal logging task force."

P e r o

suno kay Ka Boyet Makatindog, tagapamaba sang Davao-Agusan Command sang BHB, ang mga pwera sang 3rd Special Forces Battalion indi kabahin sang "anti-illegal logging task force" kundi dugang nga mga pwera pangtabang sa ginlunsar nga operasyon harasment sang BHB sang Hunyo 6 sa Kilometer 16, Baryo Datu Dabaw sa Laak. Nakasakay sila sa isa ka KM 450 trak sang AFP sang ambusan.

Para makakuha sang simpatiya sang publiko, ginapagwa ni Lieutenant Colonel Paniza nga ang BHB ang nagaproteksyon sa mga iligal nga manugtoso. Pero nahibal-an gid sang pumuluyo nga ang naga-opereyt mga daku nga "illegal loggers" pareho sang "Big 4" nga may proteksyon sang isa ka heneral sang AFP, kahimbong ang Philippine Army kag Philippine National Police. Sa kamatuoran, nagakarga sang bag-o nga utod nga mga troso ang mga tinawo sang "Big 4" malapit sa head-quarters sang 9th Special Forces Company, kag sa atubang mismo sang 60th IB HQ sa Dona Andrea, Davao del Norte. **AB**





Nagaguwa ang bangkil sang Oplan Bayanihan sa sur sang Mindoro

Sa una mga bulan pa lang sang pagpatuman sa Mindoro, nagagwa na sang pilit nga ginatago nga bangkil sang Oplan Bayanihan.

Halin Enero 14 tubtob Hunyo 6, naglunsar ang mga batalyon sang Philippine Army sa idalom sang 203rd Brigade sang malaparan kag pursigido nga mga operasyon militar sa mga banwa sa nabagatnan Mindoro. Mabahin ini sa tatlo ka hugnat--sang Enero 14 tubtob Pebrero 7; Marso 14 tubtob Abril 7; kag Mayo 1 tubtob una nga simana sang Hunyo.

Magkatuwang ang duha ka batalyon sang 80th IB halin sa Mindoro Occidental kag 4th IB halin sa Mindoro Oriental nga naglunsar sang mga operasyon pangkombat sa interyor nga mga banwa sang Rizal, San Jose, Magsaysay sa Mindoro Occidental kag sa mga banwa sang Roxas, Mansalay kag Bulalacao sa

Mindoro Oriental.

Maikit, masunson kag madamuan ang ginalunsar nga mga operasyon pangkombat sang kaaway sa mga interyor nga baryo labi na sa lindero sang duha ka prubinsya.

Samtang may mga kumpanya-kadaku nga tropa nga naga-operasyon, nagamentenar man ini sang mga *tactical command post* (TCP) sa mga baryo sang Cambayang-Cabugao, San Isidro, Bulalacao kag sa Pornaga, Magsaysay.

May pila man ka mga Peace and Development Team (PDT) nga ginalatana sa pila ka baryo nga sakup sang operasyon. Nagalunsar ang mga ini sang pakitang-tawo nga hilikuton sa baryo para tabunan ang kabangisan sang ila mga

operasyon kag ang kahadlok nga ginadulot sini sa pumuluyo.

Isa ka insidente sang kabastusan nga ginhimo sang mga naga-operasyong tropa sang AFP amo ang pagtrato nila sa isa ka lalaki nga ila naabtan nga nagapaligo sa tuburan. Ginkuhaan siya sang litrato kag ginapaposing sang mga suldado nga naka-*brief* lang.

Ginahimo gihapon sang mga suldado sa Oplan Bayanihan ang mga daan nila nga gawi pareho sang pagpangawat sang manok kag hayup sang mga mangunguma kag tumanduk nga Mangyan, pagkuha sang pulot (dugos) kag iban pa nga produkto sang mga mangunguma, ang pagpangtaya kag pagpanakit sa mga tawo nga ila masumalang kag pag-interogar.

Pat-ud nga mapaslawan ang Oplan Bayanihan kon ini na ang ila ginapabugal nga tipo sang pagrespeto sa tawhanong kinamatarung kag pagtib-ong sang kalinungan. Pagakaugtan sang pumuluyo ang bag-o nga kontra-rebolusyonaryong kampanya militar sang rehimeng US-Aquino. AB

Mga kabutigan sang militar, ginpanginwala sang NDF-Negros

Ginpanginwala sang National Democratic Front sa Negros ang himu-himo nga mga sugilanon nga wala sang kataka nga ginasabwag sang mga tagapamaba sang 3rd Infantry Division (3rd ID) sang Philippine Army, partikular sang 302nd kag 303rd Brigade.

Suno kay Ka Frank Fernandez, tagapamaba sang NDF-Negros, lunsay mga kabutigan ang mga ginapanghambal nanday Col. Jonas Sumagaysay, Lt. Col. Gubat, Sgt. Batoy Imbang kag iban pang militar nga eksperto sa saywar bahin sa mga engkwentro kag iban pang indi mapatihan nga hitabo. Ang binutig nga mga sugilanon nga ini nakabase sa direktiba sang AFP General

Headquarters sa tanan sini nga mga *area command* sa bilog nga pungsod kaangut sa pagpabaskog sang engrande nga opensibang saywar bilang malahalon nga sangkap sang Oplan Bayanihan.

Halimbawa sini ang ginasiling sang mga upisyal sa saywar sang 3rd ID nga lima ang napatay kag siyam pa ang napilasan sa bahin sang BHB bunga kuno sang isa ka engkwentro sa tunga sang militar kag BHB sang Abril 14 sa Sityo Dugma, Barangay Malatas, Calatrava, Negros Occidental.

Kabaliskaran ini sang matuod nga natabo. Suno sa report sang Roselyn Pelle Command sang BHB, ginsalakay sang mga Pulang hangaway ang 15 suldado sang 60th IB nga nagapahuway sa isa ka payag. Kapoy katama sila nga





naghalin sa "clearing operations" gani wala nila namutikan ang pagpalapit sang mga pwersa sang BHB. Sa una nga hugnat sang mga lupok apat gilayon ang napatay sa mga suldado kag madamo pang iban ang napilasan. Nagdinalagan na lang ang iban pa nga militar.

Nadugangan pa gid ang kapaslawan militar nga ini sadtong Mayo 3 sang mapatay ang kumander sang 2nd Scout Ranger Company nga si Capt. Ariel Montenegro kag isa pa ka suldado

sini sa pagpakig-away sa BHB sa Sityo Avocado, Barangay Talalak, Sta. Catalina, Negros Oriental. Plano tani nga salakayon sang Scout Rangers ang temporaryo nga nakapundo nga mga Pulang hangaway pero naagaw sang BHB ang inisyatiba militar.

Suno sa Mt. Talinis Command sang BHB, napilitan lang nga akuon sang mga upisyal sang militar ang ila kapaslawan bangud nahibal-an na ini sang midya.

Suno sa NDF-Negros, ang mga

kabutigan nga ini pagpatuman sang polisiya sang Philippine Army nga itago tubtob mahimo sa midya ang ila mga kaswalti sa inaway.

Sa anupaman, para makabawi, ginsiling sang mga eksperto sa saywar nga posible kuno nga may napilasan man sa bahin sang BHB.

Dugang diri, nag-imbento sila sang indi mapatihan nga sugilanon nga may ginlugos kuno ang isa ka "Ka Demlan" nga isa ka menor-deedad nga babaye nga Pulang hangaway. AB

Pagtukod sang mga karsada sa Samar, kabahin sang Oplan Bayanihan

Kabahin sang programa nga *counterinsurgency* sang Oplan Bayanihan ang pagtukod sang mga karsada labi na sa mga lugar nga ginatantya mabaskog ang mga rebolusyonaryong pwersa.

Ginapabugal sang 8th Infantry Division nga ang pagtukod kag pagkumpunir sang mga karsada sa tatlo ka prubinsya sang Samar mangin yabi kuno sang paguswag kag kalinungan kag magahaw-as sa masa halin sa ila ila kaimulon.

Pero mabaskog ini ginpanginwala sang National Democratic Front-Eastern Visayas (NDF-EV). Suno kay Fr. Santiago Salas, tagapamaba sang NDF-EV,


ang P4.6 bilyon nga proyektong karsada nga ginapabugal sang hepe sang 8th ID nga si Gen. Mario Chan pagapondohan sang \$434 milyon nga ayuda halin sa US Millennium Challenge Corporation (USMCC) nga gin-aprubahan sang nagligad nga tuig.

Ginbansagan niya nga "dalan para sa gera" ang nasambit nga proyekto bangud ang mga lugar nga target sang proyekto mga prayoridad nga erya sa mga pag-atake sang 8th ID. Ang dalan makapadasig sa deployment kag paghulag sang mga pwersa sang AFP. Indi matuod nga magaserbi sa pumuluyo sang isla ang nasambit nga mga karsada. Sa baylo, mas pasingkion pa gid sini ang pasista kag militarista nga agresyon militar.

Maathag man ang interbensyunista nga polisiya sang imperyalistang US bangud halin sa USMCC pangunahon ginatarget ang Samar, nga ginakabig lunsay sang AFP kag imperyalistang US nga mabaskog ang rebolusyonaryong pwersa. Ginpanginwala man ni Salas ang pahayag ni Gen. Chan nga magadulot sang kauswagan kag kalinungan ang mga proyektong karsada. Siling ni Salas, magabunga lang ini sang mas grabe pa nga korapsyon kag paglapas sa tawhanong kinamatarung.

Madugay na nga bulugasan sang tiko nga upisyales sang gubyrno kag mataas nga upisyales sang AFP ang mga proyekto pang-imprastruktura. Sa kamatuoran, may mga karsada nga pila ka beses na nga nalista nga sementado o asfaltado pero sa aktwal halos indi maagyan sang mga salakyan bangud sa kadalom sang mga buho-buho.

Ang matuod nga kinahanglanon sang pumuluyo sang isla amo ang tunay nga repormang agraryo, pungsodnon nga industriyalisasyon kag basehang serbisyo sosyal pareho sang serbisyo sa ikaayong lawas, buluthuan kag iban pa. Ang matuod nga rason sang





kaimulon sang pumuluyo sa Samar hindi ang kawad-on sang mga kalsada kundi ang padayon nga pagluntad sang malakolonyal kag malapyudal nga kahimtangan sang atrasadong panguma, mapanghimulos nga relasyon sang produksyon sa tunga sang sahing mangunguma kag agalon nga mayduta kag korapsyon sang mga burukrata.

Kahimbon, indi Katuwang.

Sa iban pang pahayag, ginpakamaut ni Salas ang programa nga “Kasugbong” (Katuwang) bilang sabat sa lapnagon nga ekstrahudisyal nga pagpamatay kag paglapas sa tawhanong kinamatarung sa Samar.

Ang ginatawag nga “Kasugbong,” o Multi-Sectoral Quick Reaction Team (MSQRT) ginalakipan sang militar, pulisya kag iban pang ahensya sang gubyrno kag *non-governmental organizations*. Ginaduso ini sang Euro-Phil Justice Support Program, The Asia Foundation, kag sang Ateneo Human Rights Center. Wala ini sang kinalain sa nagligad nga mga porum kag dayalogo nga nagatalakay sang mga paglapas sa tawhanong kinamatarung pero wala ginapanabat ang matuod nga mga utok kag imbolbado sa mga ekstrahudisyal nga pagpamatay--ang militar, pwersang paramilitar kag pulisya.

Samtang ginaduso ang programa nga “Kasugbong,” nakakulong gihapon si Ericson Acosta sa Calbayog Sub-provincial Jail. Si Acosta, isa ka *freelance journalist* nga ginaresto sa Bayang, San Jorge, Samar sadtong Pebrero, biktima sang kalakasan militar.

Samtang ginasuhestyon ni General Chan nga ibalik sa Samar ang 43rd IB nga deploy sa Maguindanao bangud sa Ampatuan masaker. Ginako niya nga mabaskog gihapon ang mga rebolusyonaryong pwersa sa tatlo ka prubinsya ng Samar gani nagakinahanglan pa diri sang dugang nga mga pwersa sang militar. AB

Pagmina sang karbon sa Isabela, liwat nga nagahana

Sa basbas sang rehimeng Aquino, ginatiplang subong sang Philippine National Oil Company-Exploration Company (PNOC-EC) ang pumuluyo sang Central Isabela bilang paghanda sa liwat nga pagbalik sang pagmina sang karbon sa lugar.

Paliwat-liwat na napaslawan halin 2001 ang pagtinguha sang sadto Cogentrix USA nga magmina sang karbon diri bangud sa kabaskog sang paghulag sang masa. Pero subong, nagabalik ang pamahog nga labing maagaw ang duta sang mga mangunguma bangud sa plano nga padayunon ang proyekto. Kon sadto sakop lang sini ang 64,000 ektarya sang duta sa mga banwa sang Cauayan, Naguilan kag Benito Soliven, subong pagasakupon man ang banwa sang Reina Mercedes.

Lunsay pagpaniplang sa masa ang ginahambal sang PNOC-EC nga sa bagong teknolohiya nga pagagamiton mabuhinan kuno ang negatibo nga aspeto sang operasyon sang mina kag ginatukod nga planta sa duta, hangin, ikaayong lawas kag pangabuhian sang pumuluyo.

Pero ang *strip mining* nga paagi nga himuon nga pagmina wala sang pili nga magahawan sang mga pananom kag magakalkal sa pinakaibabaw nga duta para magkalkal sang karbon. Wala na kuno sang dapat kabalak-an ang mga pumuluyo, siling sang PNOC, bangud “pila ka tuig lang mahimo na nga tamnan liwat ang duta.”

Tuso man nga ginapabugal sang korporasyon nga “hulamon” lang kuno sini ang duta kag pagabayaran man ang himuon nga “pag-istorbo” sa duta. May masayluhan kuno nga areglado ang maapektuhan sang *strip mining*. May ara kuno nga pagapuy-an kag mga pasilidad para sa kuryente, tubig, eskwelahan, *health center* kag iban pa. Igadiseno kuno sang korporasyon ang duta bilang *fishpond*, talamnan o anuman nga gusto sang mga mangunguma.

Ginatago sang PNOC-EC ang kamatuoran nga maagaw ang duta nga madugay na nga ginpauswag kag ginakabuhi sang linibo nga

pamilyang mangunguma sa Isabela bangud sa pagmina sang karbon. Bangud sa proyekto nga ini, labi nga igadingot ang duta sa mga mangunguma nga madugay na nga nagaantos bangud sa mataas nga gasto sa pagpanguma kag lainlain nga programa sang reaksyunaryo nga gubyrno.

Baliskad sa ginahambal sang korporasyon, dugang nga pagkaguba sang kapalibutan ang tugahon sini. Sa *strip mining*, ginakuha ang karbon sa pinakaibabaw nga bahin sang duta. Ini ang pinakamahigko nga klase sang karbon. Ang *strip mining* ang pinakamahigko nga pamaagi sang pagmina.

Bangud sa katuyuan sang gubyrno kag korporasyon sa pagmina amo ang paghugakum sang higante nga ganansya, indi tubtob san-o mangibabaw ang siling nila nga “responsable nga pagmina” sa aton pungsod. Padayon nga pagamayon sang mga kapitalista ang ila gasto agud makakuripon sang nagapadaku nga ganansya. Ang paghatag-importansya sa kapalibutan dugang gasto lang para sa ila. Sa kamatuoran, wala na ginabalikan sang PNOC para aregluhon ang purok sa Barangay Sta. Maria, Cauayan nga amo ang erya sang ila pang-umpisa nga eksplorasyon. Nagapabilin nga mabaho kag mahigko ang duta kag tubig sa nasambit nga lugar.

Nagapostura nga nagapamatuk man ang gobernador sang Isabela nga si Faustino “Bodjie” Dy III sa pagmina sang karbon. Pero base sa Mining Revitalization Program sang rehimeng US-Aquino, ginkuhaan sang kinamatarung ang mga lokal nga gubyrno nga magpamatuk sa eksplorasyon o anuman nga proyekto sa pagmina. Mahimo man nga baliskaron sang DENR kag MGB ang mga deklarasyon o desisyon bahin sa mga duta sang katigulangan. AB



Sibilyan, ginpatay sang militar sa Agusan del Sur

Isa ka inosente nga sibilyan ang ginpatay sang mga suldado sa Agusan del Sur kag ginpasibangdan nga bata nga hangaway sang Bag-ong Hangaway sang Banwa (BHB). Isa man ka mangunguma ang iligal nga gin-aresto sa North Cotabato samtang lapnagon ang pagpang-abuso militar sa Ifugao kag Mountain Province.


Hunyo 9. Iligal nga gin-aresto ang isa ka mangunguma sa Sityo Alimodian, Barangay Banayal, Tulunan, North Cotabato. Si Andres Amualla, 27 anyos, gin-akusahan nga nagatago sang mga bala kag eksplosibo sa iya ulumhan. Gin-aresto siya sang mga elemento sang 68th IB.

Si Amualla manghod nga utod ni Dodong Amualla, nga gindukot sang mga elemento sang 57th IB sadtong 2009 kag wala pa ginatuhaw tubtob subong. Bisan may pila ka tuig na nga naghalin sa rebolusyonaryong hublag si Andres kag pormal na nga nagsurender sa meyor sang Tulunan sadtong 2010, wala gihapon ginauntat sang militar ang pagpresyur sa pamilya.

Mayo 29. Gin-ambus kag ginpatay sang mga elemento sang 402nd Division Reconnaissance Coy (DRC) si Richard Paras, 20 anyos, isa ka sibilyan nga taga-Magkalatag, Padiay, Agusan del Sur. Ginapaggwa sang militar nga si Paras myembro sang BHB kag 17 anyos lang para pagguwaon ini nga bata nga hangaway sang BHB. Antes ini, nakaengkentro sang mga gerilya sang Front 21 sang BHB ang isa ka kolum sang 402nd DRC malapit sa lugar kon sa diin gin-ambus si Paras. Hilway nga nakaatras ang tanan nga mga gerilya sang BHB bisan pa nakabilin sila sang duha ka riple. Nakibot na lang sila sang ginbalita sa radyo nga isa ka Pulang hangaway ang napatay kuno sa engkwentro.

Ulihi nga simana sang Mayo tubtob subong. Ginhalughog sang Mayo 26 sang mga nagaoperasyon nga suldado ang balay ni Efren Ligudon, mangunguma nga taga-Nambazal, Kiling, Alfonso Lista, Ifugao. Labaw ang kakulba sang apat nga magagmay nga anak ni Ligudon sa natabo. Mansig panago sila sa hilit-hilit sang ila kusina

sang sudlon sang mga suldado ang ila balay. Sadtong Mayo 24, ginkawatan man sang mga elemento sang 5th ID ang balay ni Lino Asote sa pareho nga baryo paagi sang pagguba sa isa ka bintana. Ginkawatan siya sang isa ka binangon, isa ka bote nga mantika kag pila ka kilo nga manga. Ginhingalitan sang militar ang pagsunod ni Asote kag iban pang kaingod sa detatsment sang arestuhon kag dalhon didto sang



mga suldado ang kasimaryo nila nga si Delfin Uschung kag duha sini ka hinablos.

Ang nagaoperasyon nga mga suldado sa Alfonso Lista kabahin sang mas daku nga grupo sang mga suldado nga nagapanghalit sa sidlangan nga bahin sang Mountain Province. Sa kaingod nga baryo sang Botigue, Paracelis, Mountain Province, ginagamit nga detatsment sang militar ang Senior Citizen's Hall. Ginatiktikan man kag ginasundan ang mga ginadudahan nga tagasuporta sang BHB. Nareport man ang tuyo nga pagdukot sa isa ka babaye sa Banga, Kiling; ang pwersahan nga pag-ani sang mga suldado sang latoy, iban pa.

AB

Arroyo, gindemanda sang UCCP

Gindemanda sang United Council of Churches of the Philippines (UCCP) si Gloria Arroyo sining Hunyo 16 angut sang pagpatay, pagdukot, pagtortyur kag iban pang paglapas sa tawhanong kinamatarung sang mga myembro kag lider sang UCCP. Ini ang pinakau-na nga kaso kay Arroyo bilang *commander-in-chief* sang AFP.

Napulo'g walo nga myembro sang UCCP ang ginpatay, isa ang gindukot kag wala makit-an, tatlo ang gin-ambus kag napilasan kag apat ang iligal nga gin-aresto, ginditene kag gintortyur sa idalum sang rehimeng Arroyo. Ginpasaka ang kaso sang mga paryente sang lima sa mga ginpatay nga pastor kag lider sang UCCP kag si Pastor Berlin Guerrero, biktima sang iligal nga pagpang-aresto kag tortyur.

Ang lima nga biktima amo sanday Joel Baclao (Nobyembre 2004 sa Daraga, Albay); Edison Lapuz (Mayo 2005 sa Leyte); Raul Domingo (Agosto 2005 sa Palawan); Andy Pawican (Mayo 2006 sa Pantabangan, Nueva Ecija); kag Noel Capulong (Mayo 2006 sa Calamba, Laguna). Si Guerrero gindukot sang Mayo 2007 sa Binan, Laguna sang Naval Intelligence Security Forces kag isa kag tunga sa tuig nga ginkulong.

Suno sa UCCP, ang pagpamatay sa ila kubay ara sa balayon sang daan nga *counterinsurgency program* ni Arroyo nga Oplan Bantay Laya (OBL) kon sa diin wala sang pili ang pag-atake sa mga progresibong grupo sang demokratikong kahublagang masa. Ginbansagan sang militar nga prenteng organisasyon sang Partido Komunista sang Pilipinas ang UCCP, gani isa ini sa mga gintarget sang OBL.

Nagademanda ang UCCP kay Arroyo sang danyos perwisyo nga indi magnubo sa P6 milyon; P500,000 para sa kada pamilya sang anum nga biktima; P500,000 para sa *exemplary damages*; P300,000 para kay Guerrero; P300,000 para sa mga gasto sa pagbista sang kaso; kag P300,000 para bayad sa abugado. Samtang, ginbista sang Quezon City Regional Trial Court ang kaso sang anum sa myembro sang Morong 43 batuk kanday Arroyo kag mga daan niya nga upisyal militar.

AB



Mga mangunguma, ginpalukpan sa Bukidnon

Mapintas nga ginbungkag sang mga gwardya sang Central Mindanao University (CMU) sa Musuan, Maramag, Bukidnon ang piketlayn sang mga nagaprotesta nga mangunguma sa atubang mismo sang buluthuan sadtong Hunyo 14. Ginpalukpan kag ginbungkag ang piketlayn sang Bufallo-Tamaraw-Limus (BTL), isa ka alyansa sang mga mangunguma nga nagainsister sang ila kinamatarung sa madugay na nila nga ginauma nga duta sa sulod sang CMU. Naigo sang bala ang tatlo ka mangunguma nga sanday Abelardo Jardin, Gregorio Santillan kag Larry de Vera. Gindala man sa ospital sanday Weni, Jose Benemerito kag Marilou Portin bangud sa grabe nga pilas nga naagum halin sa pagpangbakol sang mga gwardya. Ginkumpiska man sang mga gwardya ang mga kagamitan sang mga mangunguma.


Ang mga mangunguma daan nga gin-arkilahan sang CMU para tamnan sang humay ang masobra 3,000 ektarya nga bakanteng duta sa sulod sang kampus. Makaligad nga maputo ang CMU sang 1986, gin-arkilahan na lang sang mga mangunguma ang duta kag ginpadayon ang ila pag-uma. Gintukod sadto ang Kilusang Sariling Sikap. Sang 1987, 800 myembro sang Kilusang Sariling Sikap ang nagpetisyon nga masakop sang Comprehensive Agrarian Reform Program (CARP). Ginhatagan sila sang CLOA para sa 400 ektarya sang 1992. Pero ginbawi ang CLOA sang 2002.

Pagkatapos sini, nakig-areglo ang CMU sa mga mangunguma nga arkilahan ang duta sa balor nga P4,000 sa sulod sang lima ka tuig. Parte man sang kasugtanan ang promisa sang lokal nga gubyrno nga pangitaan sang reloasyon ang mga mangunguma. Makaligad ang madamu nga tuig wala natuman ang promisa nga ini. Gusto subong nga ihaboy sila sa mga baw-ing nga lugar nga indi angay sa pangu-ma o indi gani may problema sa “peace and order.”

Ang matuod nga rason sang pagdali sang CMU nga palayason ang mga mangunguma amo ang pagsulod sang Davao Agricultural Ventures Corporation, isa ka plantasyon sang pinya kag saging. Parte man sang maniobra sang CMU nga agawon ang duta ang naga-padaku nga presensya sang mga suldado kag pwersa paramilitar sa idalum sang 8th IB, luwas sa mga

pribado nga gwardya sang CMU. Pila ka kaso na sang harasment sa mga mangunguma ang nalista sang grupo nga Karapatan.

Para mapatud ang seguridad sang mga mangunguma, naghimo



sila sang iskedyul sang pag-uma. Nagtukod sila sang kampo sa atubang sang CMU. Duha ka simana na nga nakatindog ang kampo nga ini sang palukpan kag bungkagon ini sang mga gwardya.

Mabaskog nga ginkundenar sang Kilusang Magbubukid ng Pilipinas ang pagpangbakol sa mga mangunguma. Nagpawagan man ang Amihan, koalisyon sang mga grupo sang mga kababainhan nga ma-ngunguma, nga imbestigahan kag arestuhon ang mga gwardya sang Chevron Security Agency nga imbolbado sa pagpangluthang, kag kanselahon ang lisensya sini. Ginaduso nila nga suspendihon ang presidente sang CMU sa iya salabton sa natabo nga kalakasan. Labaw sa tanan, ila ginapanawagan ang pagbasura sa CARPER sa kapaslawan nga protektahan sila. **AB**

Desisyon sa Hacienda Luisita, ginpaiway sang Korte Suprema

Wala makapagguwa sang desisyon ang Korte Suprema sadtong Hunyo 14 kaangut sang petisyon sang United Luisita Workers Union (ULWU) nga ibasura ang ang Stock Distribution Option (SDO) sa asyenda kag ipanagtag na ang duta sa mga mangunguma kag mamumugon sa uma. Wala magboto ang mga mahistrado bangud apat sa ila ang may magkatuhay nga opinyon sa kaso sang HLI. Gintalana liwat ang pagboto sa Hunyo 21.

Disgustado ang mga mangunguma sang Hacienda Luisita sa nangin aksyon sang korte. Siling ni Lito Bais, tagapangulo sang ULWU, ang indi pagpaguwa sang desisyon sang Korte Suprema katumbas sang padayon nga pag-antos sang mga mamumugon sa uma kag magahatag sang oportunidad sa pamilya Cojuangco-Aquino nga makamaniobra.

Dugang ni Bais, anum ka tuig na nga nagahulat sang desisyon ang mga mamumugon sa uma. Kinahanglan na nga ipanagtag ang duta sa ila makaligad nga ginpakigbato nila sa malaba nga panahon. Nag-abot pa ang ila paghimakas sa maduguon nga masaker anum ka tuig na ang nagtaliwan.

Ginhambal man ni Danilo Ramos, pangkabilugan nga sekretaryo sang Kilusang Magbubukid ng Pilipinas (KMP), nga nagahimo sang panibag-ong maniobra ang pamilya Cojuangco-Aquino paagi sang isa naman ka reperendum. Paaagi sini mahimo indi na naman makansela ang SDO labi na nga wala pa sang desisyon ang korte. Bangud diri, padayunon gihapon sang mga mamumugon sa uma ang pagtalauma sang duta sang asyenda bisan wala pa sang desisyon ang korte. **AB**



Kalakasan sa mga midya, nagasingki

Nagpatung-patong na ang mga kaso sang kalakasan kontra sa mga mamahayag sa idalum sang rehimen ni Benigno Aquino III. Pinakaulihi nga biktima si Romeo Olea, 49 anyos, brodkaster sang dwEB sa Camarines Sur. Si Olea ginluthang samtang nagapakadto sa istasyon sang radyo sa banwa sang Nabua sadtong Hunyo 13.

Kilala siya sa iya nga mabaskog nga pagpakamalaut sa kagarukan, kamatuoran kag kalakasan sang estado. Si Olea ang ika-anum na nga mamahayag na ginpatay sa idalum sang rehimeng Aquino, kag ikatlo na subong nga 2011.


Luwas kay Olea, lakip man sa mga biktima nga mamahayag sa Bicol si Mike Belen, brodkaster man sang dwEB nga ginpatay sadtong 2010. Si Arnel Eclarinal naman sang GMA-7 ginbakol sa Pili, Camarines Sur sadtong Mayo ni Maj. Sesenando Magbalot sang 9th ID Training Unit. Ini pagkatapos nga ibuyagyag ni Eclarinal ang bidyo sang pag-tortur sa mga bag-o nga rekrut sang militar.

Samtang, tatlo pa ka mamahayag ang nangin biktima sang harasment sining Hunyo.

Si Jerome Tabanganay, brodkaster sa dzRK Radyo ng Bayan-Kalinga gin-atake ni Gov. Jocel Baac sa sulod sang istasyon, ginpaandaman nga pagapatyon kag ginhanot sang mikropono sa bibig. Gintuyo man ang kabuhi ni Tabanganay sadtong 2010 bangud sa iya pagpakamalaut sa pagbwelo sang *jueteng* sa Kalinga.

Sa Davao City, nagpagguwa sang *paid advertisement* ang Customs Collectors Association of the Philippines batuk kay Jeffrey Tupas, koresponsal sang *Philippine Daily Inquirer* bangud sa iya pagbuyagyag sa kapaslawan sang Davao Bureau of Customs nga pungan ang ismagling sang bugas.

Sa Cotabato City, nakabaton sang sunud-sunod nga pamahog sa kabuhi halin sadtong Mayo si Vern Simon, brodkaster sang dxMS. Sadtong Hunyo 1, ginsulod sang mga suldado nga halin sa yunit paniktik sang Marine Battalion Landing Team ang istasyon para pangitaon si Simon kag protektahan kuno batuk sa mga pamahog sa iya kabuhi.



7 aktibista, gin-aresto

PITO nga aktibista ang gin-aresto sang mga pulis pagkatapos maglunsar sang kilat nga rali sa Laguna. Lima sa ila mga estudyante sang Universtity of the Philippines-Los Banos kag duha mga myembro sang Anakpawis-Southern Tagalog.

Naglunsar sila sang protesta sang inagurahan ni Benigno Aquino III ang isa ka rebulto ni Dr. Jose Rizal sa Calamba City. Ginpasakaan sang kaso nga *alarm and grave scandal* ang mga aktibista kag temporaryo nga ginadetine sa Calamba City Hall.

Cadapan kag Empeño, ginmanduan nga hilwayon

GINAMANDU sang Korte Suprema ang pagpahilway sang militar kan-day Sherlyn Cadapan kag Karen Empeño, mga aktibista nga estudyante halin sa University of the Philippines kag upod nila nga mangunguma nga si Manuel Merino. Suno sa korte, dapat gilayon nga ipatuman sang 7th ID kag 24th IB ang mandu sang Court of Appeals sadtong 2008 nga hilwayon ang tatlo.

Sanday Cadapan, Empeño kag Merino gindukot sang mga tinawo ni Gen. Jovito Palparan sadtong 2006 sa Hagonoy, Bulacan. Ginpaidalom sila sa grabe nga tortur sa lainlain nga kampo militar.

Mapiguson nga ordinansa sa Leyte, ginkastigo

Mabaskog nga ginkastigo sang Katungod-Sinirangan Bisayas (Katungod-SB) ang isa ka ordinansa nga ginpasar sang Sangguniang Panlalawigan sang Leyte nga nagadumili sa mga grupong sibilyan nga maghiwat sang mga aktibidad sa prubinsya nga wala sang permiso sang gobernador. Luwas sa iya, dapat man magpahibalo sa iban pang upisyal, pareho sang hepe sang pulisya kag kapitan sang baryo nga pagahiwatan sang aktibidad.

Sakop sang Sangguniang Panlalawigan Ordinance 2011-02 ang mga sibilyang grupo, *non-government organizations* kag organisasyong masa nga magahatag serbisyo pangkomunidad, magpanalawsaw, magpatuman sang programa pangkauswagan, panglugayawan kag paglunsar sang mga *fact-finding mission*. Pero wala sini ginadumilian ang militar nga labugayon ang anuman nga lugar sa Leyte.

Pagamultahan sang P1,000 tubtob P5,000 o igakulong sang isa tubtob anum ka bulan ang sin-o man nga magalapas sa ordinansa.

Suno sa Sangguniang Panlalawigan, ginpasar sini ang ordinansa para indi na maliwat ang mga kaso pareho sang pagkapatay sa syentista nga si Leonard Co sadtong Nobyembre 2010.

Pero suno sa Katungod-SB, maathag ini nga pagtuyo nga pungan ang imbestigasyon kag tabunan ang salabton sang 19th IB sa nasambit nga krimen. Kabahin man ini sang huyog sang Oplan Bayanihan nga pabaskugon ang papel sang mga lokal nga sanga sang reaksyunaryong gubyrno sa *counterinsurgency*.

Nauna diri, isa man ka kapareho nga ordinansa ang ginpasar sa Negros pagkatapos iduso ini sang 3rd ID.



Taktikal nga opensiba, sabat sang PLGA sa Operation Green Hunt

Sunud-sunod ang paglunsar sang mga taktikal nga opensiba sang People's Liberation Guerilla Army (PLGA) sa idalom sang Communist Party of India (Maoist) sa estado sang Dandakaranya halin Abril tubtob Mayo sini nga tuig. Ang mga opensiba nga ini sabat sa lapnagon nga paglapas sang mga armadong gaway sang reaksyunaryong gubyrerno sa tawhanong kinamatarung sang pumuluyo sa rehiyon.

Hunyo 9. Gin-ambus sang PLGA ang isa ka tim sang mga pulis nga pakadto sa kampo sang Chhattisgarh Armed Force (CAF) sa distrito sang Nayanpur. Pito ka pulis ang napatay kag duha ka mabaskog nga kalibreng armas ang naagaw. Ang kampo sang CAF gintukod bilang kabahin sang ikaduha nga lebel sang Opertion Green Hunt, ang malaparan kag mapintas nga operasyon *counterinsurgency* sang gubyrernong India kontra sa mga Maoista. Sadtong adlaw man nga ina ginalukpan sang bomba sang mga gerilya ang isa ka MPV (*mine-proof vehicle*) sang pulisya. Napulo ka pulis ang napatay.

Mayo 23. Gin-ambus sang mga gerilya ang isa ka grupo sang mga

pulis sa Odisna. Siyam ka pulis ang napatay, lakip ang isa ka mataas nga upisyal.

Mayo 19. Naglunsar sang ambus ang PLGA sa Nargonda sa distrito sang Gadchiroli kon sa diin napatay si Chinna Venta, masupog nga kumander sang isa ka grupong paramilitar nga ginapadalagan sang reaksyunaryong militar. Halos tanan nga mga pamilya sa Gadchiroli ang nangin biktima na sang terorismo kag pagpang-abuso sang grupo ni Chinna Venta.

Mayo 17. Pito ka elemento sang Central Police Reserve Force (CPRF) ang napatay kag isa pa ang napilasan sang palukpan sang eksplosibo sang mga gerilya ang ila salakyan. AB

Ginatos ka libo nga Greek, nagprotesta

Nag-abot sa tunga sa milyon nga pumuluyo sang Greece ang naglunsar sang aksyon-protesta sa sentro sang Athens, kabisera sang Greece, sadtong Hunyo 5 para iduso ang pagpatalsik sa nakapungko nga rehimen kag pagbasura sa mga polisiya sa ekonomya nga ginapataw sang "troika." Ang "troika" amo ang ginsimpon nga awtoridad sang International Monetary Fund, European Union kag European Central Bank.

Mabaskog nga ginapamatukan sang mga Greek ang ginbalay nga kasugtanan nga isapribado ang mga pangpubliko nga propyedad sang pungsod kabaylo sang bag-o nga pautang halin sa "troika." Ginapamatukan man nila ang pagpataw sang bag-ong mga buhis at pagbuhin sang badyet para sa mga serbisyo sosyal. Ang pagtilipon ang pinakadaku sa sulod sang nagligad nga 20 tuig. AB

Protestang anti-nukleyar sa Japan, nagabaskog

LINIBO nga Japanese ang nagprotesta sang Hunyo 10 para pakamalauton ang kainutilan sang ila gubyrerno sa atubang sang krisis nukleyar. Ginaduso man nila nga untaton na ang paggamit sang *atomic power* para magtuga sang enerhiya.

Tatlo ka bulan na ang nakaligad nga matabo ang tsunami kag linog sa Fukushima, Japan nga nagresulta sang aksidente nukleyar sining nakaligad nga 25 tuig. Nag-abot sa 23,000 katawo ang napatay sa makasunod nga aksidente. Nasamad man sa mga aksidente ang planta nukleyar sa Fukushima kag naglapta ang *radiation* bunga sini.

Nagmartsa ang mga mamumugon, estudyante kag iban pang sektor sa mga mayor nga syudad sang Japan dala ang mga bandera nga may mga panawagan nga "No Nukes" (Wala sang Nukleyar) kag "No More Fukushima" (Wala na sang dugang nga Fukushima). Isa ka rali ang ginlunsar sa atubang sang hedkwarters sang Tokyo Electric Power Corporation (TEPCO), ang opereytor sang planta nukleyar sa Fukushima.

Ginpakamalaut sang mga raliyista ang pagbalibad sang gubyrerno kag sang kumpanya nga isapubliko ang kalapad kag kalala sang *nuclear radiation*. Tatlong reaktor sang planta sang Daichi-Fukushima nga

nakatindog sa naaminhan sidlangang bahin sang Japan ang nasamad sang maigo ini sang mabaskog nga tsunami kag linog sang Pebrero. Bangud sini, 80,000 residente na ang nagaestar sa palibot sang planta ang pilit nga ginpabakwit bangud sa kataas sang *radiation*.

Halin nga naglupok ang krisis sa Japan, liwat man nagalapnag ang anti-nukleyar nga protesta sa lainlain nga bahin sang kalibutan. Sa Germany, nag-abot sa 200,000 ang nagprotesta sang Mayo para iduso ang pag-untat na sang gubyrernong Merkel sa programang nukleyar sa pungsod. Bangud diri, napilitan si Merkel nga ideklara nga tubtob 2024 na lang ang pagpaandar sang mga planta nukleyar sa pungsod. Mabaskog man ang mga aksyon protesta sa Switzerland, UK, Austria, Spain kag iban pa. Ginaduso sang mga ini ang European Commission nga magpulong para repasuhon ang programa nukleyar sa mga pungsod nga sakup sini. Bangud sa kabaskog sang mga anti-nukleyar nga protesta, napilitan ang gubyrerno nga untaton ang operasyon sang planta nukleyar sa Hamaoka sang Mayo. Gin-untat man sini ang operasyon sang 19 sa 54 nga planta nga ginapadalagan antes pa matabo ang aksidente. AB



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XLII No. 12
Hunyo 21, 2011
www.philippinerevolution.org

Editorial

Hilwayon ang tanan nga tiglawas sang NDF para madayon ang sugilanon pangkalinungan

Dapat hilwayon ang tanan nga konsultant sang National Democratic Front of the Philippines (NDFP) agud madayon na ang sugilanon pangkalinungan sa tunga sang NDFP kag sang Gubyerno sang Pilipinas (GPH). Ang padayon nga pagbilanggo sang GPH sa mga tiglawas sang NDFP ang pinakadaku nga sablag sa pag-abante sang sugilanon pangkalinungan.

Napulo'g pito (17) konsultant sang NDFP ang nakakulong sa lainlain nga bilanguan sang GPH. Ang pagdakup kag pagbilanggo sa ila hayagan nga paglapas sa Joint Agreement on Safety and Immunity Guarantees (JASIG) nga nagahatag-proteksyon sa ila bilang mga ginombrar sang NDFP para magpasakop sa sugilanon. Duha sa 17 konsultant nga ini ang ginkulong sa idalom sang rehimeng Aquino.


Makasulong lang ang sugilanon pangkalinungan kon hilwayon ang mga konsultant sang NDFP. Indi lang sini ginahatagan-dalan ang pagpasakop nila sa mga sugilanon, magaserbi man ini sa pagtadlong sang mga paglapas sang GPH sa JASIG. Ini ang obligasyon nga ginpromisa nga ipatuman sang GPH sa deklarasyon nga ginpirmahan sini sadtong Enero upod ang NDFP. Ang pagpatuman sini talaksan sang kaseryosohan kag ikasarang sang GPH nga ipatuman ang mga nakasugtanan sa sugilanon pangkalinungan.

Pero makaligad ang lima ka bulan, nagapabilin nga nakakulong ang mga konsultant sang NDFP. Malala pa, ginapakamenos sang tiglawas sang GPH ang halambalanon sa pagpatuman sa JASIG sang ilaragway niya ini bilang sekundaryong halamba-lanon lamang. Sa wala paghatag-importansya sang GPH sa JASIG, nangin daku man nga kwestyon kon masaligan bala ini nga ipatuman ang iban pang kasugtanan sa

mga reporma pangkati-lingban kag pang-ekonomya kag mga reporma pangpulitika kag konstitusyunal, nga amo ang mga topiko sa mga masunod nga lebel sang sugilanon.

Ang kapaslawan sang GPH nga uyatan ang mga obligasyon sini nga ipatuman ang JASIG kag hilwayon ang mga konsultant sang NDFP nagresulta sa pagpahigad sang nakatalana tani nga pagpulong sa Norway subong nga Hunyo sang mga Reciprocal Working Committee on Socio-Economic Reforms kag mga Working Group on Political and Constitutional Reforms. Kon padayon nga magpakatig-a ang rehimen sa pusisyon sini batuk sa paghilway sang konsultant sang NDFP, igabutang sini sa peligro ang mismo sugilanon pangkalinungan.

Kaisa ang pumuluyong Pilipino, nagapabilin nga interesado ang NDFP nga mapadayon ang sugilanon pangkalinungan agud tinguhaon nga lubaron ang mga baseha nga halambalanon nga amo ang ugat sang nagasingki nga gera sibil sa pungsod. Paagi sini, gusto sang NDFP kag bilog nga rebolusyonaryong



Mga tampok sa isyu nga ini...

Milisya sg banwa, naglunsar sg opensiba
PAHINA 3

Pagtukod sg dalan sa Samar, kabahin sg OPB
PAHINA 5

Mga mangunguma sa Bukidnon, ginpalukan
PAHINA 8

Mga tuntunin sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com